

D^a Rosa Ana Prada Queipo, secretaria do Concello de Ames na Provincia da Coruña

Certifico: Que o pleno deste Concello levou a cabo sesión ordinaria o 29 de marzo de 2012. Desta reunión redactouse a correspondente acta que é do teor literal seguinte.

Acta da sesión ordinaria levada a cabo polo pleno do Concello o día 29 de marzo de 2012.-

No Salón de Sesións da Casa do Concello de Ames, ás vinte horas (20:00) do día 29 de marzo de 2012, réunese o Pleno do Concello en sesión ordinaria de primeira convocatoria, baixo a presidencia do Sr. alcalde don **Santiago V. Amor Barreiro** e coa asistencia dos/as señores/as concelleiros/as seguintes:

Grupo municipal Popular
M ^a Dolores Fernández Álvarez
Manuel Ferreiro Santiago
Ramón García Argibay
María González Gómez
M ^a Eugenia Martín Vicente
Emilio Martínez Carballeira
Bernardo Moar Míguez
Alfonso Rey López
Alfredo Taboada Alvelo
M ^a Carmen Verde Leboráns

Non asisten os/as restantes concelleiros/as da corporación municipal.

Asiste o señor **interventor** don José Antonio Rueda de Valenzuela.

Actúa como **secretaria** a titular da Corporación dona Rosa-Ana Prada Queipo.

Antes de comezar co primeiro punto do orde do día, o señor alcalde don **Santiago V. Amor Barreiro** informa que os grupos da oposición comunicaron no día de hoxe, a través do rexistro municipal, que non ían asistir a este pleno do mes de marzo por coincidir coa folga xeral convocada para o día de hoxe.

Punto primeiro.- Dar conta ao Pleno da Corporación dos decretos ditados pola Alcaldía dende a última sesión plenaria ordinaria.

O señor alcalde don **Santiago V. Amor Barreiro** informa á Corporación que os decretos ditados pola Alcaldía dende a última sesión plenaria ordinaria estiveron a disposición de todas/os as/os concelleiras/os na Secretaría Xeral, engadindo que o acceso aos decretos é libre para todas/os as/os concelleiras/os en calquera momento na Secretaría Xeral do Concello, e que con ocasión da convocatoria dos plenos ordinarios o que teñen a súa disposición é o libro oficial, en papel timbrado e numerado, ademais dos duplicados existentes nos distintos departamentos do Concello.

Punto segundo.- Dación de conta ao Pleno da Corporación da relación certificada remitida por este Concello ao Ministerio de Facenda e Administracións Públicas en cumprimento do previsto no Real Decreto-Lei 4/2012, de 24 de febreiro.

O señor alcalde don **Santiago V. Amor Barreiro** informa que figura na documentación que acompaña á convocatoria deste pleno o informe do servizo de intervención municipal, así como a relación de tódalas facturas que se remitiron o día 15 deste mes de marzo ao Ministerio de Facenda e Administracións Públicas, en cumprimento do Real Decreto-Lei 4/2012 de 24 de febreiro, que fan un total de 836 facturas correspondentes a 205 provedores, cun montante total de 2.288.813,65 euros. Continúa dicindo que con esta medida de recoñecer tódalas facturas anteriores ao día 31 de decembro, o Concello de Ames vai seguir dando pasos para corrixir a situación e poñer o contador a cero en canto á débeda que este Concello ten con provedores e empresas, con datas anteriores ao 31 de decembro de 2011 e que cumpren cos requisitos do Real Decreto-Lei promulgado polo goberno central.

Punto Terceiro.- Aprobación se procede da acta anterior.

O señor alcalde don **Santiago V. Amor Barreiro** somete a consideración da corporación a acta correspondente á sesión de 23 de febreiro de 2012.

Intervén o concelleiro do grupo municipal popular don **Bernardo Moar Míguez** para dicir: quero facer unha corrección na páxina 24, empezando por abaixo, na segunda ringleira, onde di “en Milladoiro o fixen eu cando era presidente da asociación de veciños” debe dicir en vez de asociación de veciños, “asociación de empresarios”.

Non se producen mais intervencións.

Sometida a votación, a acta da sesión de 23 de febreiro de 2012 resulta aprobada por unanimidade dos membros presentes, coa corrección feita polo concelleiro don Bernardo Moar Míguez e aceptada pola señora secretaria.

Toma a palabra o señor alcalde don **Santiago V. Amor Barreiro** para explicar a urxencia do asunto que se pretende incluír na orde do día, que é aprobar o Plan de Axuste que da cobertura ás facturas pendentes, das que se deron conta no punto anterior.

O motivo de incluír por vía de urxencia este asunto é debido á situación extraordinaria e urxente que se produciu pola publicación do Real Decreto-Lei 4/2012 de medidas extraordinarias, que dende o Goberno central se aproba para que os Concellos podan pagar tódalas facturas pendentes aos provedores e empresas emitidas antes do día 31 de decembro de 2011.

Créase este fondo de pago a provedores que leva parello a obriga de elaborar un Plan de Axuste a dez anos e a súa aprobación, como requisito imprescindible, antes do día 31 de marzo deste ano para poder acudir a esta liña ICO. A urxencia ven motivada tamén polo escaso marxe de tempo que se tivo desde que se publicaron os modelos que tiñan que rexeir para presentar este Plan de Axuste, modelos que foron publicados polo Ministerio de Economía e Administracións Públicas o pasado día 16 de marzo, venres. Tendo en conta que o día 19 de marzo, luns, foi festivo neste Concello, se fixo por parte dos servizos económicos deste Concello, por parte do servizo de intervención, nun tempo récord de nove días o Plan de Axuste. A presentación do Plan de Axuste e a documentación que o conforma foi entregada aos grupos da oposición antes da Xunta de Voceiros que se celebrou o pasado día 28 ás dez da mañá, e así mesmo este Plan de Axuste foi ditaminado favorablemente no día de hoxe na Comisión informativa correspondente de Facenda cos votos afirmativos do grupo popular e en contra dos grupos da oposición.

Di que resulta un pouco contradictorio que os grupos da oposición votaran en contra da urxencia da convocatoria desta comisión informativa e que votaran en contra, incluso, da aprobación deste Plan de Axuste a sabendas de que ten que ser aprobado antes de fin de mes para poder cumprir co requisito de poder acollernos á liña ICO, para que moitas empresas e provedores, unha vez que se aprobe por parte do Ministerio o Plan de Axuste, poidan acceder ao pago das facturas que tiñan pendentes con este Concello.

Rematadas as intervencións o pleno da Corporación por unanimidade dos membros presentes ratifica a urxencia do asunto, procedéndose á súa inclusión na orde do día.

Punto Cuarto.- Aprobación, pola vía de urxencia, do Plan de Axuste que da cobertura ás facturas pendentes, das que se deron conta no apartado segundo desta orde do día, con provedores ata o 31 de decembro de 2011.

Toma a palabra o señor alcalde don **Santiago V. Amor Barreiro** para dicir substancialmente que tal e como está documentado no expediente ao que tiveron acceso os/as concelleiros/as, somete a aprobación do pleno da Corporación este Plan de Axuste, un Plan de Axuste que vai do ano 2012 ao ano 2022, conforme marca o Real Decreto-Lei 4/2012, de 24 de febreiro, e que é obrigatorio para que a posteriori podamos acceder á vía de financiamento ICO creado polo Goberno Central co obxectivo de facer fronte ás facturas das que falabamos no apartado anterior, correspondentes a 205 provedores, 836 facturas por un montante de 2.288.813,65 euros.

Agradece expresamente aos Servizos Económicos deste Concello, especialmente ao interventor municipal e aos traballadores do seu departamento, o gran esforzo que fixeron estes días, co escaso marxe de tempo co que se contaba para poder elaborar este documento, un documento que é complexo, un documento que se rematou na madrugada do martes ao mércores co esforzo que iso supuxo, e que vai a servir de referente nos próximos dez anos e que garantirá a solvencia desta institución municipal.

Toma a palabra o señor interventor don **José Antonio Rueda de Valenzuela** para expoñer que en relación aos anexos que figuran no expediente xunto ao Plan, nun deles se enumeraban unha serie de aforros. Hai que xustificar que o Concello poda facer fronte á devolución da operación en base ao Real Decreto-Lei 4/2012, para iso hai que facer unha fundamentación baseada en que ingresos obteráanse a maiores e que gastos vanse deixar de facer. En relación ao capítulo de gastos que se van deixar de facer, un deles está baseado na nova organización, no número de dedicacións exclusivas e no personal eventual, consecuencia dos acordos adoptados no pleno organizativo de inicio de mandato desta corporación. No caso do persoal eventual dos grupos había un erro que foi solventado, non se produce un aforro senón un incremento, o aforro se produce como consecuencia do cambio das dedicacións exclusivas, aforro algo superior aos 100.000 euros.

Non se producen mais intervencións.

Rematadas as intervencións o pleno da corporación por unanimidade dos seus membros presentes presta aprobación ao Plan de Axuste do Concello de Ames para o período 2012-2022, ao que fai referencia o Real Decreto Lei 4/2012 de 24 de febreiro.

Punto quinto.- Rogos e Preguntas.

Non se formulan rogos nin preguntas.

E non habendo mais asuntos de que tratar o señor alcalde presidente dou por rematado o acto e levantou a sesión ás vinte horas e quince minutos do día 29 de marzo de 2012, de todo o que eu como secretaria certifico.

Vº Prace

A secretaria

O alcalde